

序

自吹律定姓而氏以判而族以分由是各親其親各祖其祖彼此各不相混是故祁姚別而堯舜之後有分承姬子判而稷契之支無兩是下至典樂不混於收典牧不混於樂人以氏殊族以氏別然時無所謂譜也迨漢司馬遷作史記叙公侯將相以三十世家而譜系遂由是起從所自來溯所遞衍派別支分巔末畢備而漢魏以來朝又有圖譜局設官掌之故人知有祖而非其種類絕不相蒙六朝以後競勢位而艷豪華遂往匕有撫拾名賢拔援貴胄不祖其祖而祖非其祖如崇韜之哭謁汾陽閔氏之遙匕華胄蓋指不勝屈焉宋興大儒輩出廬陵穎濱仲淹明道諸公毅然以譜爲任一洗世俗之澆漓而編次勒成諦當不刊後世因之特相沿日以世之患不患修舉之不繼而患修舉之鮮此三世不修譜同小人三世修譜卒未易語於君子也我劉陶氏發祥於晉自靖節公遞傳至全明公落業瀏陽家世詩書人敦樸茂高曾規矩奕葉奉承茲譜成屬叙於余匕閱其譜條世系詳世紀來瀏以前類次謹確居瀏以後編紀嚴明遵歐蘓諸公之式譜其可見可知而六朝攀援之陋習鄙而不爲且其家訓聿昭做考亭之性理吟身心倫紀備極叮嚀雖使有宋諸大儒復起有樂引為同心而相得益彰者又況宗約有譜祠規有譜以及實行傳贊等類彙次成編分篇十卷皆歐蘇諸公所未及者乎程子云觀吾之譜孝弟之心可油然而生余亦竊謂觀陶氏之譜賢賢之行可勃然興也是為叙

年家眷教弟尙道心帝傳甫

拜讓

公元二五年夏月

重刊